

午 32

942.

增廣大生要旨

善仲

增廣大生要旨卷四

血暈則難愈想三石之上海唐于頃桐園氏纂著

醫林謝騰山醫與熱氣婁縣葉小灝雅卿氏增訂自撰

產後

新產宜忌

小兒出戶扶產人卽以兩手輕抱產母胸前產母亦自以
氣兩手緊抱肚臍令胎衣下墜再宜以手從心下輕輕按
摩至臍日三四次使惡露不畱

宜厚鋪衲褥高枕靠墊勿令睡下宜仰臥不宜側睡宜豎
膝不宜屈足宜閉目靜養切忌大喜大怒亦不得熟睡

恐倦極熟睡血氣上壅因而眩暈亦不可高聲急叫以
致驚恐

四壁遮圍使無空隙庶免受風

房中宜燒舊漆器或用鐵秤錘燒紅入醋中或以醋沃炭
火上或以銅杓盛醋微火常煎令醋氣入鼻以免血暈
且收斂神氣又能解穢

婦人產後如無他症不必服藥三日之內但以益母草煎
湯紅糖調化溫與頻服間服生化湯使惡露下盡自無
血暈腹痛之患三日之後少飲陳酒不可令醉又不可
會即食鷄子猪羊等肉須以白粥調理松江鯊魚淡蒸或

淡梅乾菜食之半月方與笋鷄鮮肉漸漸加至如量纔免陽盛陰衰發熱脹滿瀉痢等患若不避風寒而感冒不慎口腹而傷中俱致發病

初產時不可問男女恐多言語而泄氣或以愛憎而動氣皆能致病倘連胎生女亦人事之常凡爲翁姑與丈夫只宜好言寬慰切不可咨嗟歎息抱怨產婦令其氣苦致病傷生

生男生女自有定數明理人固安義命世有因連胎生女而或棄或溺者能不傷上天好生之心乎文王之聖后妃之德故得螽斯之慶修德行仁自緜瓜瓞求嗣者萬

勿河漢予言

滿月後方可梳頭洗足否則手足腰腿必有酸痛等症不可獨宿恐致虛驚不可刮舌恐傷心氣不可刷牙恐致血逆須至滿月氣血平復方可照常理事

胞衣不下

與三卷中參看

產科心法曰胞衣不下最關利害或孕中食煎炒或臨產氣力疲憊皆不能出宜於剪臍時用苧線繫定不可即剪服以芎歸湯即佛手散自下如或血入胞衣之中脹大不能下以致心悶脹痛喘急者速用失笑丸三錢清酒吞下如不應再用花蕊石散二錢或牛膝散亦可血散脹

消其胞卽下如不急取恐瘀血上升有傷產母之患是

以失笑散花蕊石散產科必須預備以防急用

失笑散

蒲黃略炒五靈脂洗去泥略炒二味等分用米飲丸淡醋水吞貳叁錢此方治見枕痛亦必用

花蕊石散

好花蕊石壹觔細研篩淨上色硫黃肆兩研細二味和勻分四分用

好羊腎礮煉無疤損者用黃泥週身塗之陰乾曬至裂

縫卽補好恐進火氣使內丹走出將藥裝入再用瓦油

蓋頭一箇仰蓋口上用鹽泥封固口縫待乾用細鐵線

上下四圍紫好如此四礮用大砂盆一箇將礮安放下

用大鐵釘攔住週圍硬炭文武火煉大香三炷退去火
不可動次日已冷然後取出研極細裝磁瓶聽用此藥
十年五載收陳不妨每服二錢熱酒童便調服使瘀血
化水而下如不應再進可也 產後敗血暈迷或胞衣
脹急不省人事但心頭溫者灌下卽甦亦是起死回生
之法然煉此藥亦不易如火候文武不勻確口封不如
式硫黃性最猛烈每致迸裂人宜防備且藥亦無用矣
牛膝散

淮牛膝

川芎

蒲黃

微炒

丹皮

各貳兩

當歸

壹兩伍錢

肉桂

肆錢

其爲末每服水調五錢

薛氏云胞衣不下則腹脹急

用此藥加朴硝合服自能癘化而下緩則不救

血暈與氣脫宜分別施治

血暈是實症逐瘀爲主此因惡露不行惡血冲心心下滿
急神昏口噤不省人事切勿放倒急與生化湯失笑散
或佛手散皆可用一法用韭菜一把切碎放有嘴瓶
內以熱醋一大盞灌入紫口瓶嘴向鼻遠遠薰之

氣脫是虛症補正爲主此因平素虛弱臨產復用力勞傷
去血過多亦致昏暈不醒微虛者少頃卽甦大虛者脫
竭卽死但察其面白口開自汗手足厥冷六脈微極是
氣脫症也生死判於頃刻切勿放倒令一人挽住頭髮

急與大劑芎歸參附等回其陽或增損四物湯煎濃徐
徐灌之但得下咽即可救活若認作血暈而以行血藥
投之益速其斃

產後血攻或下血不止心悶面青身冷欲絕者刺新羊血

一盞乘熱飲之三兩服妙

若血氣虛弱又感風邪卒然昏暈不知人者清魂散最佳
清魂散 治產後氣血虛弱外感風邪昏暈不省

當歸貳錢 川芎伍分 人參壹錢 炙草叁分 荆芥捌分 水煎服

子方生下母即昏暈不省此時藥不及備遲則不救急用

紬絹舊衣謹閉產戶令知事婦女曲膝抵住勿使下面

氣洩又令人一手挽住髮一手捫住口勿使上面氣洩

俟其稍轉方用醫治

此方詳審虛實不可妄動慎之

產科心法曰張仲景先生云產後鬱冒為血虛而厥也其
脈微弱嘔吐不食大便堅頭汗出此血虛於下孤陽上
冒防其脫也宜大補之 李東垣曰陰血暴亡心神無
依致昏冒 鐘齡先生曾用人參兩許加炮姜附子以
救之子亦救多人用參芪歸地並進而起案附卷尾
大抵脾虛痰厥頭眩而嘔者用六君子湯加炮姜若瘀
血不行腹痛拒按者服佛手散下失笑丸此為半虛餘
皆大虛如面白眼閤口張手散足冷鼻寒皆宜十全大

補若一味退縮不急峻補則人已去遠後悔何及

六君子湯

人參壹錢半夏壹錢白朮土炒壹錢五分茯苓貳錢炙草伍分陳皮柒分

姜棗水煎

十全大補湯見前臨產即入珍湯加黃芪肉桂佛手散見前臨產失笑丸見前

中風發瘧

產後為風邪所中角弓反張口噤不開名曰蓐風華陀愈

至風散灌之最妙不得大發其汗并轉吐瀉不能生矣

愈風散治產後中風口噤手足抽掣及角弓反張或血

暈不省人事四肢強直或心頭倒築欲吐欲瀉

荆芥穗

去便焙
黑爲末

每服三錢童便調下口噤則挑牙灌之

或以童便煎取清汁滴入鼻中其效如神

若臨產努逼勞傷陽氣陰血又虧無以養筋爲風邪所感
以致牙關緊閉四肢痙強或腰背反張肢體抽搐名曰
痙症當大補氣血略兼荆芥蔓荆一二味驅風之品若
專治風邪必致不起

產科心法曰心慌驚悸或目不轉睛語言健忘此由心血
空虛神不守舍當補心神爲主安神定志丸歸脾湯並
進或佐以訥菴養心湯其諸症自愈

安神定志丸

茯神 茯苓 遠志 人參各壹兩 石菖蒲 龍齒燉各伍錢

為未蜜丸桐子大辰砂為衣每服二錢

歸脾湯

人參壹錢 虛人參伍錢 炙黃芪貳錢 甘草伍分 歸身壹錢 茯神參錢 棗

仁貳錢 炒 白朮貳錢 土炒 桂圓肉伍枚 姜棗煎

養心湯

人參 炙黃芪 茯神 茯苓 夏麴各壹錢 當歸貳錢

川芎 遠志 柏子仁去油各伍分 肉桂 炙草各叁分 五味

子貳八 水煎服

又曰產婦汗多發瘧俗謂產後驚風實非風也乃肝血空

虛不能榮筋以致手足抽搐有似中風之狀更有口噤
咬牙角弓反張此血氣大虛之惡候若非十全大補加
附子將何以救之或先用古拜散配歸芎服之再服大
補湯自可成功

薛氏案與女科指掌俱云小續命湯此必刻書之人補
入者不然二公何亦荒唐至此不思小續命湯是仲景
傷寒論中風症也第可用之以疎風豈可施之產後乎
且中風一症氣血虛者多有之經謂治風先治血張景
岳有非風之論謂治平人尙宜補血矧其爲血氣大虛
之產婦乎

古拜散後見十全大補湯見前血暈

產門不閉

產門不閉氣血虛也服加味芎歸湯方見總以大補氣血

為主

產科心法曰此血氣大虛也先用生化湯一二劑隨進八

珍湯補之如不應用上全大補湯溫補之自愈間有難

產被穩婆手指撐傷致產門破損疼痛即用花蕊石散

少許摻於傷處自愈

生化湯治產後兒枕作痛及惡露不行腹痛等症

當歸伍錢川芎壹錢桃仁七粒去皮尖炮姜叁分炙草伍分或加

益母草錢貳水煎溫服或加酒及童便少許冲服此仙

方也凡新產當服數劑自然去瘀生新產後無病或有

他故再按各症治之按產後本屬血虛陰亡則陽孤

氣亦受傷若峻補則氣血易滯失調則諸邪易襲此方

去瘀生新扶陽益血行中有補化中有生至當之劑也

八珍湯見前臨產加黃芪肉桂卽十全大補湯

心慌自汗

產科心法曰產後心慌自汗宜服歸姜棗湯并醋炭薰法

當歸錢肆黑炮姜錢壹炒棗仁錢貳加黑棗水煎服若服後自

汗不止心慌無主恐防暈脫可加人參錢壹熟附子伍分顧

其根本仍用醋炭薰之以收神氣汗自止此內外並治之妙法其人參在初產原不備用然虛脫之象不得不
用只要重用當歸則瘀血不得停畱不礙事也人皆狐
疑不敢用是不知制法用之不當自然悞事若遇氣虛
脾弱汗出泄瀉嘔吐不食等候非用參附將何以救之
經謂血脫益氣虛極生寒必以十全大補湯收功也

惡露不下

產後惡露不下其症或腹痛往來寒熱或小腹痛引腰脊
蓋因腹有宿冷或感新寒以致敗血壅滯不行生化湯
最妙佛手散亦可若惡露淋瀝不絕因腹中惡血未盡

也治法同

產科心法曰產後診視必先問臨產瘀血多與少有與無
此物關係極大眼前則防發熱腹痛小便被阻甚有積
成內癰之患久後變成癥塊積致血鼓豈不大有干係
如瘀不行必多服生化湯自然流通如兼腹脹佐以失
笑丸

見前胞衣不下

如感冒下部受寒加肉桂

產後血崩

產科心法曰惡露不可不行又不可多行崩者如水之流
此症最重總屬榮氣空虛不能攝血歸經當以歸脾湯
主之然又有怒傷肝者於歸脾湯加炒黑山梔

壹錢阿膠

錢貳艾葉伍分酒炒柴胡貳分或服補中益氣湯 又有瑞蓮散

方止崩妙劑重者參附湯加阿荻地補之

歸脾湯 見前中風

補中益氣湯

黃芪貳錢伍分白朮壹錢土炒歸身壹錢伍分人參壹錢柴胡叁分炙

草伍分升麻叁分陳皮柒分姜棗煎

瑞蓮散

蓮肉百粒棕櫚灰 當歸各壹兩川芎伍錢鯉魚鱗燒灰炮姜

炭伍錢其為末酒調一二錢二服自止

參附湯 平時崩症亦當參以此理

人參參錢壹熟附子壹水煎服虛甚加熟地壹兩壹茯神貳錢貳阿膠

錢參艾葉伍分大劑補之方能成功遲則防脫貧者以黃芪

兩許代參

子宮不收

臨產坐草太早勞力努掙致陰下脫若脫肛狀及陰挺出

逼迫腫痛舉重房勞即使復發清水流注小便淋漓宜

人參乾姜湯或補中益氣湯見前加醋炒白芍外以五味

子為末泡湯洗又用末藥敷之或洗以寸金散

人參乾姜湯 治子宮下脫

人參另煎白芍酒炒山藥各壹錢歸身貳錢炮姜伍分炙草伍分水

煎服

敷藥方

血竭伍分人參叁分藥珠壹分冰片貳分共研極細末摻之

寸金散

紫梢花 胡盧巴 蛇牀子 樟腦各壹錢 水煎薰洗

一方用香油抹子宮上以牙皂末吹鼻中取嚏時縮上

此方與照腸產參看 一方以猪大腸斤許煎湯八五梧子末五錢

用細軟紬片溫洗緩緩托上 一方蛇牀子一升炒熱

帛包熨患處 一方硫黃烏賊魚骨五味子各五錢為

末摻之 薛立齋曰子宮有損落一片者皆氣血虛脫

所致但服參芪升提之藥自愈此非腸胃可比無礙也
補之血肉原可自長

人不語

產後不語因母素弱臨產勞傷以致血氣擾亂上壅心竅
而不能通津於舌則舌本強而不言語也宜芎歸湯見方

臨盆加石菖蒲之類七珍散亦可

七珍散

人參壹兩石菖蒲伍錢生地壹兩川芎壹兩細辛壹錢防風伍錢辰砂

另研其為末每服一錢薄荷湯調下

一方人參石菖蒲石蓮肉各等分其為末每五錢水煎

服

產科心法曰此症因心腎虛而不交脾虛不能運動舌本
縱有微邪皆由元氣不足所致古方七珍散其中菖蒲
細辛防風須酌用如果因風邪所閉且暫服一劑再察
其病源兼症治之 若思慮傷脾倦怠食少者服歸脾
湯見前 若氣血兩虛內熱者用八珍湯見前 若脾虛
生痰嘔噁少食者用六君子湯見前 或水虧生熱面赤
火浮者用六味地黃湯如法按經調理自然易愈倘妄
行祛風攻痰或用香散之藥則去之遠矣

六味地黃湯

大熟地叁錢 山萸肉 淮山藥各貳錢 牡丹皮 澤瀉各壹錢

茯苓壹錢伍分 水煎服

產後發熱

不論正產與小產數日後忽然渾身大熱面紅眼赤口渴欲飲凉水晝夜不息此血虛之症宜當歸補血湯以補其血若認作傷寒而誤以陽明症及傳入三陰熱病看而投以寒涼清火之藥必立斃矣

當歸補血湯 大補陰血治血虛發熱如神

黃耆壹兩 當歸伍錢 水煎服

產科心法曰產婦發熱皆因血虛宜四物湯加黑姜溫治

之則熱自退如不應更加童便少許冲服熱自然退但
童便性寒不可多用又有脾虛傷食亦能發熱更有胃
虛發熱法當調其飲食理其脾胃用五味異功散補之
如傷食少加神麩穀芽更有躁熱面目赤色煩渴引飲
其脈洪大重按全無此虛極假熱也宜服當歸補血湯
重者用十全大補湯或加製附子收其浮散之陽熱必
自退若悞醫風熱投以涼散之品立見危殆慎之慎之

乍寒乍熱

與前發熱合參

產科心法曰凡產後風寒發熱晝夜不退宜於生化湯中
加黑荆芥一味足可驅邪蓋產後體虛百節開張腠裏

不固易受易出此小賊也不比傷寒症之必刀兵驅盜

耳如血虛與傷食則日晡發熱清晨必退二症雖相

似其中仍有分別如傷食必噯腐吞酸胸隔滿悶穀芽

陳皮湯頻飲可愈其血虛者則無前項等象只可用四

物湯見後加炮姜可退若嘔吐不利腹痛食少脈沉細

而遲或浮大而空宜理中湯溫補之見後腹痛寒熱虛實若

不辨明安能無悞

五味異功散即六君子湯除十全大補湯見前產

愈風散

荆芥穗炒黑當歸伍錢作一服為末生姜湯調下或加川

會貴大三

卷

三

芎壹錢煎服亦可此方退風並驚風搐搦俱妙

霍亂

產後勞傷氣血脾胃虛弱或多食煎炒厚味不能運化又

或風寒外侵陰陽隔絕輕則上吐下瀉重則遍體轉筋

腹痛手足厥冷命在頃刻急用佛手散方見前當歸伍川錢

芎叁錢加入參白朮炙草乾姜之類以溫其中

浮腫

產後敗血停積以致營衛阻滯運行失度面目四肢浮腫

宜芎歸湯方見前加血餘炭黑荆芥牛膝瞿麥之類

血行則腫自消若作水氣治產後既虛又以藥虛之是

謂重虛多致厥枉。凡水氣必發嘔，小便數若小便如常，不發嘔但覺手足寒，乃氣血塞而不通，也不可攻水。若因氣血虛而腫者，又當調補，不可以敗血醫治，益傷脾氣。

蒸乳

產科心法曰：乳必使呼通，如不通必乳腫作寒熱之狀。此非他症，為乳所阻，宜用香附、瓜蒌、通草、橘葉煎服，其藥渣煎洗，如不自呼通者，只煎炒麥芽三錢薰洗，乳退熱亦退。

乳少

乳少者血虛胃弱之故產時去血過多或產前有病以及貧苦之家僕婢下人產後失於調養血脈枯槁又或年至四十血氣漸衰往往無乳但服通脈湯自能有乳若用穿山甲漏蘆王不留行等物勉強催逼乳汁清薄令兒不壽且損傷氣血產後多病不久便乾反為不美惟壯健婦人痰氣壅盛乳滯不來者可用疎利之藥

通脈湯 治乳少

生黃芪壹兩當歸伍錢白芷壹錢通草貳錢用七孔猪蹄一對煮

湯吹去浮油煎藥一大碗服之以被覆面而睡即有乳或未效再一服新產無乳者不用猪蹄只須水酒各半

煎服體壯者加好紅花三五分以消惡露

簡易方 凡婦人乳汁不通用小赤豆一斗

即赤豆之小者俗平米赤

煮粥食之乳自通利 乳汁乃氣血所化產後不可多

食鹽不獨少乳且能發嗽也

產科心法曰產後憑乳以養兒凡乳少總屬氣血不足然

酒雖引血生乳宜用淡酒若多飲及飲好酒每致少乳

藥服黃芪補血湯 見前乍寒乍熱 加山藥三五錢極妙或以蝦

斤許煎淡酒去蝦飲

乳癰 內吹外吹

產後乳腫脹痛其因大抵有二一必少壯之婦氣血強盛

乳汁多而兒尚小不能喫退以致宿乳雷畜新乳又生
陳陳相因壅塞乳竅凝滯不通以致腫痛成癰最易成
而易潰勢必傳乳房不致一癰而已一必任兒含乳睡着
兒不吮乳反吹氣入乳中亦閉乳竅以致脹痛其症稍
緩二症只消疎通乳竅兒吮手揉使乳汁流暢便可消
散非若病由七情鬱結致生乳岩不赤不痛積之歲月
者之難治也但不急醫而任其潰爛後必乳少汁清致
兒缺乳多病受累無窮其母須自慎之

神效瓜萸散 治乳癰

瓜萸

壹個
爛研

生粉草

富歸

酒洗各
伍錢

乳香

去淨
油

沒藥

去淨
油各

壹錢用酒煎服良久再服

五物湯 治乳多腫痛成癰

四物湯 見後腸中瘻 加麥芽五錢煎服

簡易方 治乳癰初發

貝母為末每服二錢熱酒下即揉乳使通

又方 治乳癰乳吹

蒲公英一握搗爛入酒半鍾絞酒溫服渣貼患處甚者

三五服愈

又方 能托散諸毒女人乳癰尤效

將遠志用米泔水浸洗槌去心為末服三錢用好陳酒

一鍾煎澄清飲之滓敷患處

產科心法曰婦人乳疾必發寒熱兒在母腹中七八個月
乳忽紅腫名曰內吹產後有硬塊者或乳不通宿乳積
成或被子含口中吹氣貫入名曰外吹俱防生癰宜服
瓜萸散外敷香附餅自可消散又有婦人肝氣鬱怒者
並用前方加柴胡叁分白芍壹錢俱酒炒橘葉十片煎服早
消為妙或服逍遙散亦可

瓜萸散見前

香附餅

香附肆兩炒麝香叁分共為末另用蒲公英貳兩銀花叁錢酒

煎去渣以此藥酒調香附末頓熱敷患處內服瓜蒌散

自消

逍遙散

當歸貳錢白芍壹錢柴胡酒略炒茯苓壹錢白朮壹錢炙

草伍分薄荷伍分姜貳片煎服此方加丹皮黑山梔名加味道

遙散平肝火也

狂言譫語

產後狂言譫語如見鬼神者其源不一一則心虛中風精

神恍惚言語錯亂宜芎歸合華陀愈風散方見前二則敗

血迷亂心經顛狂悶暈同血暈治法三則感冒風寒惡

露不行憎寒發熱如瘧晝日明了暮則語如見鬼神宜

芎歸湯方見前加驅風寒藥一二味如荆芥藁本炮姜之類四則產

傷氣血心氣大虛以致心神驚悸不安時見鬼神言語

顛倒宜芎歸湯吞補心丸得臥即安

補心丸

黃芪蜜炙棗仁去心甘草湯泡焙茯苓各貳錢生地伍錢人參

壹錢菖蒲柒分其為細末大棗和丸硃砂為衣

產科心法曰產後顛狂譫語或乍見鬼神甚有不避親疎

不知羞恥者其間有血虛神不守舍者有敗血未盡悞

補而然者有心脾本虛妄思妄想致心神不安者治法

用安神定志丸倍人參加歸芎主之佐以歸脾湯予制
定神湯每用取効此皆安神補虛之意也倘早能逐清
敗瘀則新血自生安有顛狂之變此爲姑息錯治所致
病久名曰失心症有縣延數載者治法惟白金丸最妙
也

定神湯

人參壹錢熟地叁錢當歸貳錢茯神貳錢製附子伍分肉桂叁分澤蘭

叁錢鬱金壹錢龍齒捌分橘紅捌分用鐵秤碾燒紅淬水煎服

白金丸 經驗方曰婦人失心病狂驚憂痰結血於心絡

竅者服之神效屢用奇驗

真川鬱金兩明礬兩為末薄荷疊法為丸每服五十丸

開水下一方用薄荷湯為丸

安神定志丸見前歸脾湯見前

琥珀地黃丸 此方治產後偶感惡露不行憎寒發熱狀

如瘧疾晝明白夜譫語與熱入血室同皆血分病用此

丸極妙若攻痰則危矣

琥珀另研延胡索糯米炒當歸各壹兩蒲黃貳兩炒生地壹斤搗爛絞汁

以汁浸生薑壹斤搗爛絞汁其為末煉蜜為丸彈

姜渣曬乾生薑汁浸生地渣曬乾

又方 治敗血上衝發熱狂言脈虛大者

生地 丹皮 荷葉 各貳錢 煎湯調真生蒲黃末二錢下

心腹諸痛

以下皆產科心法

心腹痛各有不同有瘀血凝結有飲食停滯有風冷客進指掌各為各類未免煩衍大抵初痛總宜服生化湯去瘀生新亦有二三劑而痛即止者如或瘀積小腹不散轉側若刀錐刺痛手不可按痛而不移者用失笑丸主之佐花蕊石散二錢 二方並見前胞衣不下 瘀行痛止如感風寒必口鼻氣冷如停食必吞酸滿悶此二症俱用二香散主之若中氣虛寒腹中冷痛必喜熱物熨手按而痛稍緩用理中湯加肉桂溫之如小腹氣從下逆冲而上痛

連心腹忽聚忽散此瘕氣也另用橘核丸主之如小腹
有塊手不可按係瘕血壅滯名曰兒枕痛並用失笑丸
若瘕不散久之防生腸癰卽於後編查看審治

二香散

香附貳錢廣木香壹錢砂仁伍分陳皮捌分炙草伍分炮姜壹錢生姜

壹片水煎服

理中湯

白朮貳錢炙草壹錢人參壹錢煎服加製附子名附子理中湯

橘核丸

橘核鹽酒炒小茴香 川楝子煨去肉桃仁雙仁者不用炒去皮尖

香附 山查核 炒各壹兩 紅花 廣木香 各伍錢 其爲末以神

麩三兩打糊爲丸每服三錢開水下

腹內癰作痛

產後積瘀每生內癰人所罕識其流腿股而生者外毒也
外科可治無害積於內而生大小腸癰者內科產科之
事不可不知往往穿臍而潰或內爛斷腸而死人第知
爲腹痛而死不知腸癰之爲害予治愈多人因著於編
以補前人所未發并使後之產科知之知所補救其症
當按其腹痛處有硬塊在臍邊按之愈痛者是也若塊
堅硬猶未成膿脈必不數痛無休歇方用牡丹皮散數

劑必消如尺脈已數按塊相軟內必腸鳴二便不甚利
痛或一止少頃又痛此癰已成膿毒無出路小腸癰必
穿臍而出勢已危矣以大劑人參補之或可十中救一
然性命雖保亦終身不能生育矣倘不知治法則尿從
臍出必死無救其大腸癰大便難下治不如法或不與
出毒毒必爛腸腸傷必瀉上不飲食而嘔惡口中有一
股濁穢之氣此腸爛穿必死予治驗有案附於卷尾
若瘰流腿股或腰髻則痛如錐刺手不可近亦防生疽
宜服桃仁湯早散之 腸癰初起小腹痛小便不利六
脈微緩不作寒熱者輕若小腹堅硬而腫六脈洪數者

險或尺部獨數尙可治潰後腥臭不進食不受補者不治初服丹皮散不消再進桃仁湯或薏苡仁湯如消不去以排膿湯如未穿與陳皮葵根湯卽穿膿出後仍有微痛用海浮湯三服毒未盡可盡毒已盡者易於收口三服後卽宜服四物八珍十全大補等湯補之不然毒雖去內尙虛防有食少面黃盜汗無力神倦不寐一派虛象出矣併忌房事年餘食物氣惱俱宜謹慎

千金牡丹皮散

丹皮 苡仁 茯苓 生黃芪 生甘草 桃仁 白

芷以上各當歸錢參川芎錢壹官桂伍分木香參分人參壹錢無

增廣方生要旨 卷四
黨參伍陸
錢代之
水煎食前服

薏苡仁湯

苡仁 瓜蒌仁 各叁錢
丹皮 白芍 各壹錢
桃仁 皮尖研空 貳錢

心服

排膿湯

生黃芪 當歸 各叁錢
銀花 川芎 甲片 炒敲碎
瓜蒌仁

白芷 各壹錢
甘草 伍分
水煎空心服

陳皮葵根湯

生黃芪 伍錢
廣皮 當歸 皂角 各貳錢
蜀葵花根 壹兩
切片水

三碗酒一盃煎分二次服

海浮湯

明乳香去淨油 貳錢 沒藥去淨油 浙貝 茯苓各壹錢 伍分 生黃芪

叁錢 炙草伍分 水煎服

四物湯見後 八珍湯見前 產門不閉加黃芪

呃逆

此乃傷寒失下症有之今產婦脾胃虛或食熱物冷熱相

搏或寒凝於中皆有之寒者用丁香肉桂熱用橘皮竹

茹湯加柿蒂主之或炙其門穴自止

橘皮竹茹湯

廣皮貳錢 竹茹壹錢 甘草伍分 姜棗水煎

產後身痛

身痛者因產時百節開張血脈空虛不能榮養筋骨也又有敗血乘虛流注經絡致痛大意按之痛者非風寒卽瘀滯若按之不痛附熱者虛寒也如血不足以流通者

四物湯

見後腸癢

加黑姜桃仁紅花澤蘭補兼運行如或喜

按畏寒者四物湯加人參白朮黑姜補養自安有外感風寒則發寒熱頭痛身痛或鼻塞口出火氣斯爲外感用古拜散加歸芎黑姜秦芎以溫散如散後痛未盡止乃氣血虛致榮衛未和用八珍湯補之此散後補之大法也

古拜散 蘇合 青鹽 蘇合 水煎服

荆芥穗炒黑為末生姜湯調下一二錢量人虛實用

青本方加當歸亦名清魂散更穩此方產後受風筋脈引

急或搐抽口噤或昏憤不省人事頭身痛發寒熱一二

劑即愈蓋產後空虛之人斷不可用羌防柴葛之類以

重其疾也

產後腰痛

產後未有不傷腎者腰痛總屬腎虛當用六味地黄湯 見前

不加杜仲續斷肉桂或食猪腰子補之又有腎氣不足

用八珍湯 見前 杜仲續斷肉桂又或風冷客於下部必上

連脊背下連腿膝用獨活寄生湯甚加附子溫散然祇可服一二劑不可多服痛稍定隨用前方補之子制清腰湯服之頗當

獨活寄生湯

當歸叁錢獨活叁分桑寄生壹錢秦朮伍分茯苓壹錢牛膝壹錢甘草

叁分威靈仙壹錢細辛貳分肉桂伍分或官狗脊壹錢姜貳分水煎服

煎服

清腰湯

黑料豆伍錢狗脊壹錢桑寄生壹錢川斷各壹錢杜仲各壹錢丹參各壹錢

錢肉桂伍分青鹽貳分水煎服

人
產後
蓐勞

產後氣血空虛真元未復一有勞動則寒熱交作食少不
寐頭目四肢脹痛或日輕夜重或時發時止變症不一
名曰蓐勞最難調治大凡陽虛則惡寒陰虛則惡熱清
陽不升則頭目痛血不足以榮養則四肢痺痛宜用八
珍湯補之見前若脾虛食少嘔噁多痰用六君子見前加
炮姜以溫中諸症自可全退然非參不可若一見前症
遽用表散則失之遠矣所以初產數日斷不可梳洗勞
動因其骨節尚未門筭筋脈易於損傷不可因體健而
大意常有纏綿難愈日久成勞或致廢疾者不可不慎

也

白茯苓散 指掌曰白茯苓散羊肉等方皆治蓐勞亦甚

靈驗因附於此以備擇用

茯苓壹兩 人參 炙黃芪 當歸 川芎 白芍酒炒熟地

桂心各伍錢 其為末用猪腰去油膜淨一對 姜叁片 棗貳枚 水煎姜棗

猪腰煎湯去渣入前藥末伍錢再煎服

仲景 羊肉湯

精羊肉壹兩 當歸伍兩 黃芪肆兩 生姜叁兩 水八升先煮羊肉生

姜取湯五升入歸芪再煎減至三升每服七合

人參鱉甲散

人參伍錢炙鱉甲壹兩淮牛膝 炙黃芪 茯苓 桑寄生

當歸 桂心 白芍炒 桃仁 川斷 甘草 熟地

麥冬各伍錢共為末和勻另用猪腰一對去淨膜加姜叁片

棗貳枚水三碗煮取湯一大碗入前藥末三錢又加葱白

一寸烏梅三個荆芥叁分再煎溫服日日如此服完藥末

即愈

喘促

新產氣急喘促因榮血暴竭衛氣無依名曰孤陽極危險

之症急用六味地黃湯見前不語加入參以益其陰若脾肺

虛者用四君子湯見前血暈即六君子除半夏陳皮加當歸黑姜以益

其陽如見自汗厥冷再加附子又有假熱喘而多汗者

用十全大補湯見前產門不閉加附子大劑重用方可救耳最

怕喘急弔引瘀血上來一入於肺則鼻衄出乃肺欲絕

矣入於心則昏慣無知心欲絕矣如外感嗽喘或素有

痰哮症者則無妨用四君子湯加蘇梗陳皮炮姜歸芎

治愈

鼻中起黑煤

產後有病或汗多或喘急發熱俱要留意看鼻尖黃明者

生若鼻尖青環口黑色鼻內起煙煤者皆是絕敗之候

如喘急即用二味參蘇飲或可速救敗絕張景岳云氣

不能升降乃元海無根虧損肺腎而喘及至鼻煤唇黑

氣將脫矣急服貞元飲救之

參蘇飲

人參壹兩蘇木叁錢水煎服如厥冷自汗加熟附子貳

錢

貞元飲

大熟地兩當歸叁錢炙草壹錢陰寒足冷加肉桂壹錢或加炮

姜人參各叁錢水煎頻服

產後舌黑舌枯

凡產後妄投冷散致舌黑而枯或光紅無底皆危症也有

汗出多或童便用多而未顧其心腎者均有之蓋舌乃
心之苗腎之本也如黑而帶潤色尚可挽回六味湯前見
不重用熟地加人參炮姜主之若舌乾黑而枯且渴者
爲血液已亡不可救矣斯時惟有獨參湯兩許頻頻灌
之或可十中救一若無力用參亦無益此症腎氣已竭
不便用附桂剛烈之品惟人參能救氣於無何有之鄉
且陽能生陰又生津液庶望回春自此症初產十日內
見者多不然必是汗多亡陽下虛亡陰譬如痢疾見舌
枯或光紅如緞而乾渴者皆不治卽下虛亡陰也

獨參湯

好人參一兩煮一碗或加五味子一錢頻頻灌入或人

參

伍錢

大熟地

貳兩

名二儀膏煎服亦妙

產後咳嗽

自心腹諸痛至此皆產科心法

產後嗽輕者肺虛也用生化湯加北沙參或酒炒黃芪如

聲重咳不止者風也或虛火上冲也風則於生化湯中

加黑荆芥穗火則於生化湯中除黑姜加炒麥冬又有

冬月寒氣冲肺致嗽用黑姜加生姜自止但肺為嬌臟

不可久延致吊起瘀血或久嗽傷肺而致吐血入損總

之肺經之藥勿用剛燥宜從滋潤養陰則無悞矣凡肺

經之藥補用沙參黃芪清用貝母杏仁散用荆芥桔梗

涼用桑皮白前皆一定不易更有用參朮苓草補脾者
 虛則補其母也有用熟地阿膠補腎是補其子也使金
 水相生之理久嗽防損必補土補水子母相生亦一定
 也不特治產宜然即平人咳嗽皆以此法為準繩

產後備方

增損四物湯 治產後下血過多及血脫等症

當歸

叁錢

川芎

白芍

酒炒

人參

各壹錢

炮姜

叁分

炙草

伍分

水煎

冲入童便一小盃溫服

補脾飲 治婦人臨產損破脾胞小便不禁

黃絲絹

天生黃者三尺用炭灰淋汁煮爛以清水漂極淨

黃蠟

伍錢

白蜜

壹兩

馬朮

勃茅根各貳錢水二盞煎至一盞空心服服時須斂氣

不得作聲如作聲則無效

黃芩湯 治因產陰虛又遇風邪虛汗不止

黃芩蜜炙熟地各貳錢白朮上炒壹錢伍分防風柒分茯苓壹錢伍分麥冬

貳錢去心牡礪粉壹錢紅棗貳枚水煎溫服

產後奇病

產子之後有舌不能收者以飛淨辰砂敷其舌仍命作產

子狀令兩人掖之乃於壁外潛累破盜墜地作碎聲聞

其聲舌即收矣

新產之後有兩乳忽長細如腸垂過小腹痛不可忍名曰

乳懸將川芎當歸各一觔以半觔剉散入瓦器內用水煎濃不拘多少頻服以半觔切塊於房內燒煙令婦將鼻吸煙如未愈再製一料更以葶麻子肉一粒研碎塗頂俟愈急洗去

產後用力產戶垂出肉線長三四尺觸之痛引心腹以老姜三觔連皮搗爛入麻油二觔拌勻炒乾先以熟絹五尺摺方令人輕輕盛起肉線使之屈蟠納入產戶再以絹袋盛姜就近薰之冷則更換一日夜收八大半二日收盡其肉線切不可使斷斷則不可治矣

有產後忽生蟲一對長寸餘置地能行埋入土中數日發

視暴大如拳名子母蟲以後月生一對用苦參米泔浸一宿蒸

乾熟曬 加入祛蟲藥為丸服之又生一對而愈

產後腸癢難忍者以平日所用針線袋或箭籜及簇置臥

褥下勿令婦及他人知癢自止產科心法曰產後腸癢

因去血多或調理失宜氣血兩虧所致服四物湯滋養

自安或以食鹽炒熱布包熨臍上自愈

四物湯

大熟地叁錢 當歸貳錢 白芍壹錢 川芎伍分 水煎服

一婦產後日食黍粥二十餘碗一月後其身冷處有數塊

以指按之其冷即從指下上應於心如三年諸治不

效以入物湯去地黃加橘紅入姜汁竹瀝一鍾不十劑

而愈

產後諸症治法

以下諸條係子家家傳胎產秘方也
子室人連舉三胎產後多病悉從後

錄各條中對症施治罔不應手奏
效因附於此以備選用葉灝識

一產後起居太早產戶因虛感風產門如生陰毒痛苦手

不可近衣被難著急用祛風定痛方慎勿悞服敗毒等

藥

當歸

生地 各貳錢

川芎 壹錢

獨活

防風

肉桂

茯苓

荆芥

各伍分

棗水煎

二產後勞傷氣血兩虛及稟弱少食患脫肛癩疝等症宜

服大補生化湯

三產後血多或勞倦昏暗血暈宜頻服生化湯服至產婦精神如舊而止如血暈形色脫或汗多加人參三四錢四產後胞衣不下宜溫服生化湯兩帖初煎下益母丸一丸次煎又一丸外用烘熱衣服煖產婦腹凡冬月慎不可在淨桶及人身上守候胞衣致嚴寒損害產母必須

上牀蓋被火籠暖身頻服生化湯方無失悞

益母丸 孕婦諸症並宜服之

益母草 肆兩 白朮 壹兩 條芩 捌錢 煉蜜丸如彈子大孕內多氣

加木香 叁錢 胸腹不舒加紫蘇陳皮 各貳錢

五產後頭痛身熱惡寒雖明知感冒只宜連服生化湯服至熱退疼除而止如三四帖後頭疼如故加連鬚葱頭四五個

六產後乍寒乍熱脇痛或頭痛宜服生化湯三兩帖如未除加桂枝七八分以散寒塊木香磨一分

七產後感寒上攻則心痛下攻則腹痛且血塊又痛宜服生化湯加桂枝壹錢以定痛如兩帖未止再加吳茱萸或

姜三片必用在生化湯中助血方妥若獨用諸熱藥攻

寒其痛雖止血分虧矣

八產後身熱或夜熱或寒熱往來並宜服生化湯

九產後寒熱往來每日應期發作似瘧只宜服生化湯幾

帖寒熱自除如汗多人虛加人參

十產後感寒心下痞滿宜服生化湯加陳皮桔梗白豆蔻

各伍分木香壹錢

十一產後感寒咳嗽或身熱宜服生化湯加杏仁拾粒知母

十二天冬各壹錢甘草肆分桔梗伍分痰加橘紅肆分天花粉捌分有汗

加人參

十三十二產後傷食宜生化湯加神麩壹錢麥冬伍分如停肉食加

砂仁山查各肆分傷寒飲食加吳茱萸壹錢桂枝伍分傷寒食

脇痛加肉桂柒分

十三產後忿怒心膈滿悶宜生化湯加木香貳分

十四產後日久大便不通宜生化湯加菴蓉貳錢日服二三

帖助血血旺自通另研芝麻三合為末和米一升作粥

飲之

十五產後血多或汗多小便澀少或不通宜生化湯加人

參五味麥冬如仍不通用葱頭一箇切一指厚放臍上

艾炙之

十六產後氣血虛冒寒小便不禁或多遺溺宜服生化湯

加益智仁六分人血賦人痿

十七產後泄瀉宜生化湯加茯苓壹錢澤瀉柒分另蓮子同糯

廿米粳米等分煮粥食之如脫形昏倦卽服加參生化湯

十八產後失血心神失守妄言妄見宜生化湯加茯苓棗

廿仁遠志柏仁

去油各壹錢

橘紅

肆分

麥冬

壹錢

如虛汗脫卽服加

廿參生化湯

十九產後足冷發厥血塊又痛宜生化湯

三十產後痢不分紅白宜生化湯減干姜加木香三分

廿一產後血崩大脫宜頻服生化湯加炒黑荆芥穗

壹錢如

廿不效服加參生化湯

廿二產後霍亂吐痢多因虛中感寒用生化湯加砂仁茯

苓藿香生姜

廿三產後遍身痛多屬氣血虛滯宜生化湯加蕉白二十

根肉桂八分

廿四產後癰疽宜生化湯加連翹天花粉

各壹錢

又萊豆粉

貳錢和服不可服敗毒散大黃等藥

廿五產後四肢麻木血虛宜生化湯加浮萍如血崩脫而

麻木宜加參生化湯

廿六產後目疼昏熱赤腫宜生化湯加荆芥

廿七產後卒然口噤牙緊手足攣搐類中風宜生化湯加

天麻羌活防風姜

片壹

廿八墮胎即小產凡孕後患傷寒或患疫症熱久皆能墮

胎墮後未免增熱因熱消陰血又繼產脫血故治者慎
勿妄論傷寒痰熱未除誤投梔子豉湯芩柏等藥或寒
熱往來柴胡斷不可用或潮熱往來大小便秘承氣五
苓等湯亦斷不可投總宜頻服生化湯日進兩帖服至
熱退停藥如虛脫形色脫或汗多或渴兩帖後卽加人
參麥冬以防暈厥且生化湯有川芎性辛散邪乾姜助
血能除大熱其結燥便秘灼熱多服生化湯自然津液
漸生二氣和通矣

倍參生化湯 產後危急諸症並宜服

當歸 伍錢
川芎 貳錢
乾姜 肆分
炙甘草 肆分
人參 叁錢
桃仁 拾粒

去皮貳棗貳 尖研貳枚

五急症

一 晚下卽時昏暈形色脫宜倍參生化湯加荆芥穗五分

二 產後勞倦形色脫宜倍參生化湯加黃芪壹錢熟地叁錢熟

附子叁分如血塊痛除地芪

三 產後血崩形色脫宜倍參生化湯加荆芥穗肆分如血塊

痛可服升舉止崩神烏方

白朮 當歸 熟地各壹錢人參肆錢黃芪肆分黃連 甘草

升麻 陳皮 白芷 荆芥各肆分熟附三分棗水煎

四 產後汗多形色脫宜倍參生化湯減乾姜加麻黃根棗

仁黃芪各壹錢熟地叁錢血塊痛未止除芪地加浮小麥拾伍

粒防風捌分

五產後氣短似喘宜服倍參生化湯加沉香貳分陳皮香

附各叁分以上五症兼見雜症俱照後開加減法

湯加麥冬壹錢北五味伍粒瀉加白茯苓壹錢澤瀉捌分大便不

通加菝蓉壹錢伍分驚悸加棗仁壹錢益智仁壹錢傷麵食加神

麩捌分麥芽伍分傷肉食加砂仁伍分山查壹錢小便不禁加益

智仁陸分寒嗽加杏仁拾粒桂枝伍分痰加天花粉捌分橘紅肆分

虛嗽加天冬壹錢瓜萸仁捌分食少加白朮貳錢氣虛痰加竹

瀝半酒盞姜汁少許

自黃芪... 卷四... 肆

一產後頭疼身汗倦怠宜倍參生化湯加黃芪壹錢麻黃根

肆分地骨皮壹錢白芷防風羌活各肆分棗水煎

二產後感寒身熱頭疼嗽重有痰有汗宜生化湯加入參

壹錢天花粉壹錢麻黃根肆分地骨皮壹錢桔梗肆分如頭疼甚加

連鬚葱頭五箇

三產後先寒後熱或潮熱夜熱每日應時類瘧有汗宜生

化湯加軟柴胡青皮各捌分烏梅貳個汗多加麻黃根肆分汗

不止加熟地貳錢食少加黃芪白朮各壹錢陳皮肆分

四產後妄言妄見宜加味生化湯加棗仁茯神柏子仁遠

志麥冬各壹錢橘紅肆分

五產後足冷發厥一日三四次厥去宜倍參生化湯加白

朮土炒熟地壹錢製附子肆分

六產後身熱有汗大便不通宜倍參生化湯加麻黃根肆分

麻仁地骨皮肉蓯蓉各壹錢

七產後身熱有汗脇痛或潮熱宜加參生化湯加麻黃根

肆分黃芪壹錢桔梗柴胡各柒分臍下痛按之稍止加熟地

錢貳

八產後大便不通潮熱睡中妄言宜加參生化湯加棗仁

地骨皮各壹錢

九產後有汗小便少宜加參生化湯加麻黃根肆分麥芽葛

根五味黃芪 各伍分

十產後有汗泄瀉宜生化湯加麻黃根 肆分 肉果 壹個 蓮子

拾粒

十一產後有汗泄瀉危困甚宜丹溪醫按方 見第十四下

十二產後大便不通誤服大黃成鼓脹

十三產後傷食誤服消導藥成鼓脹

十四產後忿怒誤服耗氣藥成鼓脹 以上三症誤下誤

消誤耗並宜用丹溪醫按方 人參 當歸 各叁錢 川芎

白芍 茯苓 各壹錢 澤瀉 捌分 厚朴 製 紫蘇 各伍分 陳皮 肆分

腹皮 萊菔子 各陸分 傷麵食加神麴 壹錢 麥芽 壹錢伍分 傷肉

食加焦山查壹錢砂仁伍分怒氣加木香叁分

十五傷食痛或脇痛誤服消導方多絕穀食獨用鍋飯焦

為粉後用人參叁錢姜壹片煎湯調服焦粉漸漸引開胃口

十六產後血崩日久不止宜服升舉大補方白朮當

歸熟地日人參日川芎日黃芪日麥冬各貳錢荆芥

羌活日防風日升麻各伍分陳皮日甘草各肆分黃連日黃

柏各叁分此方常人血崩服之亦效

十七子宮不收未戶不閉脫肛重者並宜倍參生化湯

十八產後神昏形脫有汗倍參生化湯內減乾姜忌食姜

葱日以上十八危症並以補氣為主隨症緩急按方加

減在用者細心參酌

附產科心法汪樸齋治驗醫案

產後腹脹惟胞未下者有之兒生後自收子族弟媳產下

時腹已收次日忽大如鼓較之產前更甚脹悶難安氣

急促命在旦夕子適遠歸急治之腹大且堅二便不通

咸謂未產日食物停滯子診其脈軟而澀知非停食必

產時冷風入子宮致瘀血凝滯用生化湯加肉桂去豆煎

好下失笑丸

錢

又調花蕊散

錢

進二帖而腹減半再服

生化湯倍黑姜數帖而安此症若不憑脈理遽用消食

則誤矣

又族姪媳產後發疹醫謂是瘡痲用桔梗荆防發之兩日
遂喘汗熱悶幾欲絕予視之脈寸大尺空且遲曰此非
痲瘡也緣下部虛寒其無根失守之火浮遊於上發虛
疹如蚊蹟隱於膚內耳且新產纔七朝豈堪任此涼散
急進十全大補湯加附子而汗止喘定二帖後易八珍
湯半月後與六味而痊此症設被壞事祇知瘡發不出
而死誰怨其錯可不懼哉

海鹽俞姓婦腹孕三子俱不育臨產時穩婆見胞半出以
手拖下傷其帶脈致腹痛一足縮不能伸經一月痛楚
難睡子視之乃弔腳腸癰也脈已數知毒熟矣乃用黃

芫皂角甲片陳皮當歸加葵根酒水煎服次日下膿數
碗腹痛漸減隨服參芫地歸補之繼用四物湯八珍湯
月餘而起

有陳姓妻產後小便不通脹痛難安予曰瘀阻膀胱氣不

化也與生化湯加肉桂陸分澤蘭貳錢夜半得小便次日復

用六味湯吞失笑丸遂痊

許姓婦產後寒熱醫進鈎藤荆芥不效繼用柴胡湯熱愈

盛面赤鼻出血子視之乃血虛症誤用柴胡致血上冲

若再進必死急用四物湯加牛膝茯神而鼻血止轉用

八珍湯加黑姜而熱退後以芫歸地尤補之而愈

子族女產後驚風子曰此肝風內動又感外邪而然今熱不退而汗多手足搐抽已成痙厥此外將解而內虛爲重隨用歸芍加黑荆芥少許外用醋炭薰之汗漸少卽進姜桂四物湯而熱退次日轉用八珍湯加肉桂數帖而愈

吳姓婦產後腹脹小便不利予診脈遲軟知寒結衝任二脈氣滯不宣用五味異功散加熟附子壹錢數帖而安

許姓婦孕五月醫謂經阻用紅花桃仁香附行血等藥夜半血崩子往視形脈俱脫不知人事卽用人參貳錢灸芪

壹兩阿膠貳錢熟地捌錢製附子壹錢煎好灌下至五更脈出人

避穉內見胞胎方知藥誤小產斯時倘不峻補安能有

命

項氏婦小產崩脫子診之已無脈胸膈滿悶氣促汗出危

急之極子用人參

貳錢熟地兩壹

阿膠

叁錢艾葉壹

製附子

壹錢

炙黃芪

兩壹當歸叁錢

速令煎服服半帖氣仍悶促隨令再

進胸悶頓舒氣亦勻脈亦續至次早又進原方遂漸愈

此卽內經所謂塞因塞用也緣氣不歸原下不納氣致

浮於上又卽下虛上實血既亡矣陽無所附若非大補

卽脫去矣

附安胎萬全神應湯

治胎孕三月前後或經怒或蹶跌

以致胎傷腹痛腰疼一帖卽安雖見血一二日未離宮者亦卽安倘先經三四五個月曾半產者及到月分略覺腰骨酸脹一帖便安數服卽萬全矣

當歸壹錢熟地姜汁製壹錢白朮各壹錢黃芩各壹錢川芎陸分白芍炒

杜仲論白茯苓陸分炙黃芪各柒分阿膠珠柒粒胸前作脹

加紫蘇陸分陳皮陸分下帶或紅加地榆壹錢蘄艾柒分不見

血加川續斷壹錢糯米百粒水煎空心服天壽之故有二

則由於稟賦一則由於撫養稟賦為胎元之本精血之受於父母者是也撫養為栽培之本居處寒濕飲食得宜是也稟賦之說已於求嗣卷中言之至於撫養

增廣大生要旨卷五

上海唐千頃桐園氏纂著

婁縣葉灝雅卿氏增訂

保嬰

總論

嬰孩初誕尙如一點萌芽此時調護極須得宜庶無不測之症兒之易長易成其權總操父母天壽之故有二一則由於稟賦一則由於撫養稟賦爲胎元之本精血之受於父母者是也撫養爲栽培之本居處寒溫飲食得宜是也稟賦之說已於求嗣卷中言之至於撫養常見

少年得子自尚童心貪佚多慾失於顧復而富貴艱嗣者又矜張姑息往往過情太過不及同一致病故以養孩之法列後為保嬰良式

初生去毒

分娩之時初離母體口有液毒如血塊狀啼聲一出隨即

嚥下伏於命門他日發為驚熱瘡疹惡痘等症須於未

啼時急用絲懸裏指挖去口中濁穢以清臟腑然倉卒

之際多不暇及至已啼而拭多不見物須用落地解毒

法

曾憲落地解毒開口法

此法專治初生兒口內穢毒

新產小兒飲食未開胃氣未動是混一清虛之府以甘草
細切少許將潔淨細絹包裹用沸湯泡浸盞內不宜太
甜用軟帛裹指蘸汁徧拭口中去其濁穢隨用胡桃肉
去皮研極爛以稀絹或薄紗包如小棗納兒口中任其
吮汁非獨和中且能養臟最佳法也若母氣素寒小兒
清弱者及產時收生遲慢致受風寒者兒必面色眊白
唇色淡紅只以淡姜湯拭之最能去胃寒并免吐瀉之
患此法最妙拭後仍用胡桃肉法

世間多有黃連拭口者不知黃連大苦大寒能損胃氣
小兒初脫母胎全賴後天脾胃強健豈可卽以苦劣之

味相犯他日變嘔變瀉不乳腹痛長病驚勞皆由此起
陳文中曰小兒初生便服硃砂輕粉白蜜黃連本欲下
胎毒不知多傷脾敗陽之藥輕粉損心硃砂損神兒實
者服之軟弱弱者服之易傷反致變生諸害不可不察
眞至言也

凡下胎毒只宜用甘草淡豆豉濃煎汁與三五口其毒自
下又能助養脾氣消化乳食

按近日人家惟用黃連黃柏黃芩各少許煎服名三

黃湯

新增小兒開口方

生大黃

叁分酒拌

桃仁

叁粒去皮尖搗碎雙仁不用

搗

當歸尾

叁分

紅花

叁分

生甘草壹分用水一盃煎汁半盃以綿浸令兒吮要於六

個時內服完 嬰兒痘毒多因母腹瘀血穢惡生下不

易消盡致出痘之時種種危險或未痘之先驚風瘡癩

皆由於此只在兒生後六個時內服此藥解下瘀物如

黑漆痰膠再停半日或一日俟瘀物下盡食乳痘竟不

出卽出稀少屢試屢驗兒初生未曾食乳多餓不妨可

以放心

新增先知百勝散

川白蜜

小磨麻油

鷄蛋清

黃酒

盡其手尖煎

凡小兒初生洗三時卽以右物四種各一調羹和勻先

敷前胸次敷後背用新木梳略梳幾梳後以青布輕輕
摩擦如有白毛挺出將撮子齊根拔出淨盡其毛尖頭
黑而粗極堅硬長五六分其餘兩手心兩足底腦後兩
肩尾骨等處只須如法挨次而行至少有數十根多則
二百餘根爲率無論多少總宜擦徧拔完至要至囑惟
所擦各處有無不定若竟無一根擦出者可保長生其
有者卽天折之根苗一經拔出止驚風稀痘花百病無
慮而傷風傷食諸小恙更可少犯如逾四五日尙可拔
過則其毛漸次攻進其爲患實非淺鮮

按此法宜和暖時候若天氣嚴

寒致小兒受凍恐非所宜

生下不啼

兒初生下氣欲絕而不能啼者或臨產勞傷胎氣或天時寒冷所致未可遽斷臍帶急將絛裏抱懷中離胞寸許用苧皮紮緊將大紙條蘸麻油點火於臍帶上遠遠薰之使煖氣入臍俟氣回能啼方可斷臍或用蘄艾炙臍帶上亦可

兒生下地卽不啼哭奄奄如死者急看喉間懸癰前上腭上有一泡用指摘破以帛拭去惡血弗令嚥下以京墨搽之卽能通聲吞乳如不卽挑泡老難破

嬰兒生下不啼或因糞門有一膜閉住兒氣故不能出聲

名曰閉臍生以銀簪腳輕輕挑破其膜卽能出聲啼矣

斷臍裹臍法

凡將斷臍必須先用熟湯浴過不使水氣入內一手握帶
一手向臍將三四次令胞血貫滿臍穴離胞寸許用絲
弦紮緊以磁鋒割斷勿使臍血外泄則兒血旺易育若
勿用割隔單衣咬斷又將暖氣呵七口更無內弔之疾
不用刀者鐵氣寒冷恐傷生氣也

發明臍風撮口等病由

臍之生風方書從無確論惟朱純嘏先生臍風論發明生
風致病之源示人勿犯其論云凡嬰初生以潔淨熟溫

水自頭至足及腋胯孔竅諸四處透除垢污不妨頻添
熱水拭淨裹以舊衣然後將臍帶令人牽着以一手守
定臍根一手推送帶中液水約送九寸外令人指定用
軟希布輕手收乾水蹟再用細草紙捲筒燃熏往來九
寸內以收水液并可使煖氣透入臍中徐熏推送指亦
如之如此三五次熏推得法則臍帶鬆軟水液必淨去
臍半寸紮定復於七寸外亦紮定方可剪斷用舊薄絮
剪碗口大中間通一小孔以臍帶透過盤於絮上又用
枯礬末摻於帶上再加薄絮蓋之軟油紙護之紬帕束
縛之透洗如此裹護如此不致尿濕外侵方能無害凡

斷臍不盈尺或束縛不緊則風濕入臍或斷臍用鐵器
致冷氣內侵恒有臍風撮口之患故不必更洗三朝也
如必洗三庶平時值暑天權宜亦可若在寒冬能不風
濕兩受乎寒濕交攻肚卽因之而痛痛急哭急痛緩哭
緩甚至口眼歪斜手足抽掣漫云臍風不知此撮口臍
風皆因寒濕所致也醫者到此誰能辨別遂以祛風化
痰猛劑攻之十不救一此洗兒去垢斷臍裏護之法所
謂調護於未病之先臍風無由而致矣預防臍風此第
一要緊之事故不憚繁言以相告焉况初洗旣透日後
長大肌膚自然滋潤其大來有發粗白皮時脫時長皴

裂出血者雖因受胎之後父不能遠房室母不能謹口

腹所致亦有由初洗不淨之故兒離母腹十二足日謂

小滿月調護得法過此則不發臍風矣其有初生嬰兒

朝內腹痛啼哭因內熱者必眼目微紅淚疑粘眵不似

臍受寒濕之症兩眼角及鼻準有黃色可辨者若是內熱

治宜清熱順氣湯服後大便出一二次內有黃黑糞相

間則熱去全愈也

清熱順氣湯 嬰兒仰身啼哭手煖面赤口中氣熱眼目

微紅眼眵粘閉小便少而大便閉見燈火啼更甚者此

內熱心煩腹痛而然此湯治之

鉤藤鉤

入遲

山查肉

各菜分

橘紅

各叁分

柴胡

各伍分

黃芩

酒炒枳殼

炒木通

去皮

薄荷

入遲

熟大黃

各叁分

梔子仁

酒炒貳分

黃連

酒炒

甘

草

去皮各壹分

右加燈心五十寸金銀各一件水一鍾煎三

分作五六次徐徐溫服得大便可行一二次有黃黑糞各

半自此全愈若不辨面色概用驅風化痰猛劑以圖速

效未有能生者

看臍帶脫落法

臍帶脫落雖有十日內外之不等然不必拘但包紮之處

始則三日一看繼則逐日解看弗令兒尿浸濕以致臍

風既無兒尿浸濕又須側看有眼法揭紮要手輕其脫

落斷非一時齊下必有微角粘連已脫者勢必乾硬礙
肉則痛痛必啼哭苟不知此悞爲臍風醫家不察遽以
風痰治之萌芽嬰兒豈能當斯悞哉故應細看其已脫
未脫之間用新繇花丸棗子大填於臍上帶下令乾硬
者不礙肉兒自不痛不啼矣脫後以新繇花拭淨臍液
先以枯礬細末少許納臍底次用紅哆呢燒灰存性填
滿臍內外剪錢大貼風膏封之仍將舊繇油紙覆護袖
帕束縛守過十二日萬無一失矣

臍濕不乾

凡見臍中腫濕汁出不乾若至百日卽危急宜治之枯礬

龍骨黃丹各一分麝香少許爲末敷之須避風如潰爛
出血或水出不止赤石脂紅絲灰血餘炭或破草屋上
爛茅灰皆可爲末頻搽良油胭脂作膏貼之亦愈

臍突光腫

小兒月內旬日臍突光腫如吹捻動微響赤腫虛大可畏
亦由斷臍在前洗浴在後或束縛不緊濕入所致用大
黃煨牡蠣五錢朴硝一錢爲末多用田螺浸水調一二
錢敷臍上其水從小便而下光腫卽消矣

浴兒法

三日洗兒俗禮也今南方俱用益母草或白露日收香苦

草煎湯於落地時卽洗予意倘或見生脆弱反致有害
不如遲以十日半月擇清明和煖之日於無風房內浴
之爲妥浴湯用桑槐榆柳桃五樹嫩枝三寸長者各二
三十段煎湯入猪胆汁二箇看冷熱恰好浴之不犯生
水週歲內可免瘡疥丹毒之患又可辟邪北方生兒多
不洗浴但以舊絲拭淨故兒多壯實所以天寒嚴冽則
不必洗

藏胎衣

胎衣以清水浴過又以清酒浴之入錢一支於衣內盛以
新瓶青布裹口待滿月後擇天德月空之辰於向陽高

燥處掘地三尺埋之須堅築勿令有損俾兒康健不可

忽略

初生調護

小兒初生兩乳必有餅子須常揉撮捏去乳汁以散爲度
否則腫硬成毒如初生洗浴時卽將兩乳頭各捏一把
便無此患

小兒初生肌膚未實腠理未密宜用舊絮護其背亦不可
太煖致令出汗使表虛易受外邪

兒生雙滿月後若遇晴和天氣令乳母抱兒數見風日則
血氣剛強肌肉緻密可耐風露若厚衣煖被藏於重幃

密室則筋骨軟脆不任風寒多易致病所以貧兒堅勁
無疾富兒柔脆多災譬諸草木方生以物覆蓋不見風
日雨露則萎黃柔弱矣

小兒衣服當隨天氣之寒熱加減但令腹背常煖爲佳三
冬卽或嚴寒不可烘火惟以重絛壅煖可無火毒發熱

瘡瘍丹毒驚疳之患

小兒衣裳被衲日曬日收不宜在外過夜書云天上有飛
小星惡鳥不可干犯小兒染着戾氣生無辜疾啼叫不絕
須卽換下所着衣服醋炭烘之太陽照之

月內小兒不可聞啼卽抱一啼便乳須常令啼哭則胎中

所受熱毒從此而散胎中驚氣從此而解庶朞月之間
無重舌木舌口噤胎風胎熱之病

小兒腸胃細嫩如葱乳哺不宜過飽陳氏所謂耐三分寒
喫七分飽頻揉肚少洗澡要背煖肚煖頭涼心胸涼皆
至論也又須令乳母預慎七情厚味炙燂則乳汁甯靜
兒不致疾

小兒乳哺須要得法乳者奶也哺者食也乳後不可便與
食哺後不可便與乳乳食相連難以尅化大者成癖成
疳小者泄痢腹疼

凡乳兒先須指去宿乳少許然後與兒吮之乳亦不可過

飽飽則溢而成嘔吐若乳來多極取出按後再乳如夏
月不去熱乳冬月不去寒乳令兒瀉痢不可不慎

小兒半歲以前只與乳喫六箇月後方與稀粥週歲以前
切不可喫葷并忌生冷之物若待一二歲腸胃稍厚略
與葷喫訣云喫熱莫喫冷喫軟莫喫硬喫少莫喫多自
然無別恙故凡粘膩乾硬酸鹹辛辣一切魚肉水菓濕
麵燒炙煨炒煎燂俱是發熱難化之物皆宜禁絕婦人
不知禁忌畏其啼哭無所不與積成痼疾追悔莫及語
云惜兒須惜食又云若要小兒安常帶三分飢與寒皆
至言也

凡乳母臥寐當以兒枕臂令兒頭與乳相平母欲睡着時
卽奪其乳恐其不知飽足亦成嘔吐若父母交合之間
兒臥於側或驚醒啼起不可卽與乳吮蓋氣乳未定恐
致殺兒也

小兒飲食有任意偏好者無不致病所謂爽口味多終作
疾也極宜慎之嘗見王隱君曰予幼時酷愛甘飴忽一
日見飴中有蚯蚓自此不敢食至長始知長上所爲可
爲節戒之妙法

乳母領兒同睡切忌鼻風口氣吹兒顙門恐成風疾

初生小兒未剃胎頭不可戴帽則自幼至長可免傷風永

無鼻塞拖涕之疾

小兒氣血未充而一生盛衰之基全在幼時培養故飲食宜調寒溫宜適若在期內斷然生不得病須知小兒身體微弱臟腑柔脆豈堪先以疾病摧其生機繼以藥物資其消爍精神暗耗早年戕賊能保長生乎

乳子之母身體務要珍惜母強則子強母病則子病母寒則子寒母熱則子熱一氣感化其應如響故保嬰者必先保身也

初生小兒形骸雖具筋骨甚柔氣質未實譬猶木之柔條軟梗可曲可直可俯可仰故百日之內不可豎抱豎抱

則易於惹驚且必頭傾項軟有天柱倒側之虞半歲前不可獨坐恐風邪入背脊骨受傷有龜背偃樓之疾

小兒感冒不須服藥

初生小兒受風鼻塞不能吮乳不可輕易發散惟天天南星為末生姜自然汁調成膏貼於顛門即愈或以草烏皂莢為末葱汁搗膏貼顛門亦妙

小兒偶因寒熱不調肌腠柔弱最易感冒發熱不必用藥但於熟睡時夏以單被冬以緜被蒙頭鬆蓋勿壅其鼻但以稍煖為度使其鼻息出入皆此煖氣少頃則微汗津津務令上下稍透則表裏通達而熱自退矣若寒天

衣被冷則汗不易得則輕摻着身赤體相貼上覆其面
無有不汗出者此至妙之法百發百中者也若寒邪甚
者兩三次微汗無有不愈此法行於寅卯時則汗易出
而效尤速

凡京初生三急病

一口噤一臍風一撮口名雖有三病則一類皆急症也口
噤尤甚過四月方免此症百日內須防病甚者多不治
口噤又名噤風眼閉口噤不乳啼聲如鴉或舌上聚肉如
粟米狀大小便皆通但口噤而赤多啼口不吐白沫與
撮口異

撮口唇撮聚而不開面目青黃啼聲不出氣自喘急口吐

白沫若舌強唇青聚口撮面四肢冷者皆不救也其或

肚脹青筋弔腸卵疝內氣引伸皆腸胃不通所致

臍風臍腫腹脹四肢柔直啼不吮乳甚則發搐若臍邊青

一黑手拳口噤不治矣

凡兒初生七日內若有臍風等症小腹必發青筋一道行

至肚生兩丁又若行至心便不治急以艾圓灸其筋頭

上并丁又盡處青筋消去便活已上三症非獨謂斷

臍之時為水濕風邪所乘多因胎中受熱兼之風濕所

激裏氣壅滯總宜取下胎毒為妙事已如此不可因循

畏縮姑息悞事古方天麻丸定命丹硃銀丸可量與圖
生然七日內見者百無一生所以愛惜子嗣者胎前宜
慎也

天麻丸 治斷臍後爲水濕風冷所乘入臍流於心脾遂
令肚脹臍腫四肢柔直日夜多啼不能吮乳此方制驚

化痰凡釣腸鎖肚并治

南星

炮貳錢

白附

炮

天麻

煨

五靈脂

全蝎

各壹錢

輕粉

伍分

巴豆

去淨油
貳分半

其爲末稀糊丸麻子大每服三九

薄荷生薑湯下

定命丹

治急驚天釣撮口通利痰熱

全蠋柒個天麻煨南星白附子炮各貳錢半辰砂飛青黛各壹

錢半輕粉麝香各伍分冰片貳分其為末粟米糊丸菜豆

大每服一丸荆芥薄荷湯下先研半分吹入鼻中

硃銀丸 治臍風壯熱痰盛翻眼口噤取下胎中蘊受之

毒亦治驚積量病用之

全蠋壹錢白附子炮壹錢半南星炮辰砂飛貳分半犀黃伍分蘆會

伍分天漿子麝香各伍分冰片貳分半僵蚕炒拾條水銀壹錢蒸棗

肉研鉛霜伍分和如泥其為末粟米糊丸芥子大每服一丸

薄荷湯下如未利加至二三丸

一方治撮口臍風用紫蘇前胡僵蚕炒各五錢水煎去渣

候溫頻頻滴兒口中以口開爲度開口後切弗卽令吮

乳

一法將天南星去皮臍研細末龍腦少許合和用指蘸生

姜汁同藥末於大牙根上擦之能開

又方用神仙退

卽父母指甲

三分炙灰以乳調下或含好燒酒

對臍吮之亦妙

辰砂膏

類萃治臍風眼閉口噤啼聲不出口吐白沫

飛辰砂

叁錢

礪砂

錢

馬牙硝

各壹錢伍分

元明粉

貳錢

全蝎

去尾上勾

眞珠

豆腐煮各壹錢

麝香

壹分

右爲末油紙包裹自然成膏每服

一豆許

諸驚薄荷湯下潮熱甘草湯下月內乳汁調

塗乳頭令吮之 保嬰撮要曰撮口肚脹青筋吊腸卵
疝內氣引痛皆腸胃鬱結不通致之治法貴乎疎利辰
砂膏是也 傳真曰臍風總由胎毒所致忌用散風之
藥當以此膏疎利之

謹急救臍風引

夏禹鑄曰嬰兒初生七朝之內有臍風一症甚爲危急幼
科諸書論症不確治療無憑所用之方無非祛風清熱
化痰鎮驚之品後人依而用之百不救一故臍風一症
竟無成法可師實古今之闕典也子於數十年中夢寐
誠求感神明之告人幸得心而應手重開生面別立規

模實有起死回生之妙不敢自私剖心相告倘得其相
傳佈俾嬰兒得躋春臺亦壽世之一助也

二辨臍風 凡嬰兒出胎剪落臍帶帶口有水風因乘水

由臍入腹風入於腹始附於肝肝木也風附木而鳴目
爲肝苗故兩眼角有黃色風入於肝必逆犯脾鼻準脾
之苗故亦有黃色旣入脾必逆犯腎唇屬腎故色黃口
撮入腎必逆犯心舌爲心苗故必強直到此風火交戰
亡之必矣臍風初發吃乳必較前稍鬆或啼哭無時速
抱兒於亮處看兩眼角及眉心有黃色宜急治之極易
愈黃到鼻準治之仍易至人中承漿治之稍難口不撮

而微有吹噓猶可治也若唇口鎖緊舌頭強直不必治
矣一見眼角鼻準人中有黃色而唇不鎖緊者曲兒小
指揉外勞宮卽用粗燈草蘸好麻油點火於顙門眉心
人中承漿兩大指少商各穴一燹臍輪六燹臍帶未落
於帶口火燃旣落於臍心一燹風便止而黃卽退矣病
未全愈仍照前治此火靈應無異金丹功效神速捷於
影響願此法遍傳庶百千萬億中無一兒殤於臍風也

一辨胎黃 胎黃由娠母感受濕熱傳於胞胎故生下數

日面目通身皆如金色便秘溺黃者是也治用生地赤

芍茵陳猪苓花粉甘草

各伍分

一服卽愈若臍風必不至

通體皆黃惟眉心鼻準人中有黃色耳幸勿悞認

歌曰 三朝七日眼邊黃便是臍風肝受傷燈火十三能
起死回春只此是仙方




初生七日內面赤喘急驚風不閉名曰臍風

初生七日內面赤喘急驚風不閉名曰臍風


此方治小兒驚風

附 揉 焦 諸 穴 圖



此七火須由上而下則毒往下行稍利則毒開矣

外入熱高熱不出世康始
掌 背外勞官正對掌心



初生七日內面赤喘急啼聲不出名曰撮口臍風視齒齦
上當有小泡如粟米狀急以溫水蘸青軟帛或用絲絛
裹指輕輕擦破即愈不須服藥

治撮口方

赤腳金頭蜈蚣壹條 蝎尾肆個 僵蚕炒去絲七枚 瞿麥伍分 右為細

末先將鶯管吹藥一分入鼻內使嚏啼哭為可醫隨用

薄荷湯調服三五分立效

又方白僵蚕四枚炒去絲嘴 為末蜜調敷唇內

繆仲淳曰撮口之症如先大便熱須用生犀角及羚羊角

磨和蜜汁飲之急則用大黃貳錢 甘草貳錢 煎服以上四則出醫便初

續集

初生異症

遍體無皮 兒初生下遍體無皮俱是紅肉因母受胎以

後久處高樓不沾地氣故有此異用純黃土研細盛軟

絹袋在兒週身輕輕撲之一日三四次俟皮生卽止或用珍珠細白和米粉亦可作踐五穀恐促兒壽用黃土最妙焮熱發赤者母之火盛也用石羔未數

足趾向後 兒初生兩足趾俱向後曲因母懷妊時適不能行動日惟盤坐兒在母腹一氣相通形隨氣化故亦如是用軟絛捲如棍子木兒膝後灣內外煎木瓜湯常洗熨之日久筋長自能伸由二症觀之胎前調養不可不慎也

週身發泡 初生週身如魚泡或如水晶擦破則水流滲以蜜佗僧研極細炒過乾摻內服蘇合香丸

蝦蟇瘟 小兒胸腹忽如水晶色臟腑俱見此名蝦蟇瘟
用大蝦蟇六隻將四足紮起以蝦蟇肚皮在水晶色處
撫摩幾次置兒臍上再用第二隻亦如前法更換六隻
其病卽痊但蝦蟇眼有蟾酥須防迸出射人宜以絹遮
其眼用畢將蝦蟇放於曠野

陰囊縮腹 日初生六七日後陰囊收縮入腹啼哭不止者
受寒所致也用硫黃吳茱萸各五錢爲細末研大蒜調
塗臍下再以蛇牀子炒熟帛包熨臍卽下

陰囊光腫 陰囊腫大墜下不收用紫蘇爲末如患處濕
則乾搽乾則香油調塗雖皮潰而核欲墜悉有神效

初生諸疾

二便不通 初生大小便不通腹脹欲絕者急令人溫湯

漱淨口吸啞兒之前後心臍下兩手足心共七處每處

吸啞五七口取紅赤色氣透爲度氣透則便自通

不小便 初生六七日不小便用葱白三四寸搗爛入乳

拌入兒口內再與乳吮嚥下卽通

乳蕈馬牙疳 兒口中有肉腫高起如菌名乳蕈牙齦處

生白泡名馬牙疳致兒不能喫乳以指摘去其頭倘有

血出以帛拭去輕者京墨搽之卽愈重者急以直僵蚕

三條去絲嘴炒人中白四分冰片少許研細擦患處略

停片刻用絹蘸苦茶洗淨再擦日三四次自愈如未愈
加硼砂血竭青黛各三分兒茶分半藥珠一分爲細末
和入前藥每日洗擦三四次無不愈者簡易方以馬齒
莧根卽醬板草根瓦上焙少加雄黃研末擦

鷺口白屑 初生百日中口有白點旋拭旋生滿口纏徧
內竄入喉啼哭不乳俗名雪口又名鷺口屑用甘草黃
連等分煎湯以帛裹指拭去取桑皮中汁塗之立愈再
以辰砂益元散燈心湯調下簡易方用鷺口中水一鍾
作數次服亦愈

走馬疳 牙牀腐爛若已出牙亦致牙齒脫落名走馬言

急也此熱毒蘊蓄而成大爲凶症以綠豆煎濃汁頻飲
使毒從小便出外以人中白四分銅錄醋製杏仁各二分
冰片少許爲細末敷患處

腭腫 齦腫 頰裏及上腭腫者名腭腫齒齦腫者名齦
腫皆宜針破出血卽愈

重舌 木舌 弄舌 舌爲心苗三症係心脾蘊熱皆能

殞命重舌者舌根肉壅腫邊出短小如舌用竹瀝浸黃
柏一宿點舌上木舌乃舌尖腫大塞滿口中或僵硬如
木不能轉掉用草麻子油蘸紙燃點火吹滅以烟薰之
卽消若舌下有如螻蛄或如臥蚕急於腫處砭去血用

釜底煤以鹽醋調厚敷之脫去再敷或井花水調亦可
經驗方用真蒲黃頻刷舌上亦愈弄舌舌出掉弄如蛇
也心安則舌靜心擾則舌動已上三症總屬火象輕者
燈心湯重者黃連湯細細與服

口角流涎 涎自口角流出滯於頤間名滯頤由脾冷涎
多脾虛不能攝津液泛出漬滯頤間用焦白朮陳皮青
皮炮姜各五分熟半夏丁香木香各一錢爲末麩糊丸
黍米大一歲十九丸米湯下亦有脾熱而然者用焦白朮
飛滑石各五分炒扁豆茯苓石斛各三分黃連二分葛
根一分半甘草一分爲末燈心湯調下每服一錢

兩腮腫硬 兒生月內兩腮腫硬有核或在一邊名疔腮

兒面必黃鼻端起黑癩啼哭不乳用蜒蚰一條銀硃錢許同研爛搽腫硬處勿令擦去卽消一法用桑柴灰少許入雄鷄冠血二三滴再加鹽滷一匙和勻頻擦患處

螳螂子

月內小兒有口噤不乳啼聲難出兩腮腫硬俗

名螳螂子鄉村惡婦捏造割取之法騙人取利兒體强者倖全性命弱者盡被割斃近日卽縉紳之家亦有受其惑者耳聞目覩割死頗多爲父母者輕以兒命送於村姬之手死而不悔猶謂病重救遲深堪痛惜原本有治法三方間嘗歷試惟一方最靈茲特存效驗一方愿

有子者遇有是疾速照方施治效驗如神萬勿聽信村
 姬枉送兒命也方用斑毛三個蝟尾五個俱炙脆存性
 不可太焦致藥無力研極細麻黃一錢煎湯少許去渣
 入棗肉錢孔大一粒收乾麻黃汁打爛和斑蝟末丸如
 桐子大放小膏藥上貼兒印堂即兩眉之間及左右兩頤一
 週時三處皆起泡毒泄即愈若泡破出水須防毒水流入目中

赤遊丹毒

小兒一歲以內身發赤遊風者皮如丹塗狀

故謂之丹一切紫赤丹瘡總由妊母血熱流胎熱毒蘊
 於腠理或乳母好酒嗜辛喜啖炙博或烘曬熱衣即與
 包裹柔嫩肌膚感受熱毒所致發於四肢易治入腹入

囊皆難療也發於頭面胸背身如火灼煩躁脹悶者古
人謂入心必死治法用朴硝大黃青黛爲末新波水調
敷或芭蕉根搗汁塗乾則再塗冬月畏冷則燉稍溫塗
上無論赤白丹毒用寒涼塗之不效者將伏龍肝爲極
細末以熟鷄子黃熬油調塗
夜啼小兒夜啼不安有寒熱驚滯四因寒啼者脾氣寒
冷陰盛於夜則腹中作痛故面青手冷腰曲而啼也用
炙黃芪當歸甘草赤芍木香等分爲末塗乳頭上令兒吮
之熱啼者心火煩盛面赤手煖口中氣熱仰身而啼見
燈火愈啼用鈎藤茯神甘草燈心辰砂木通各一錢煎

湯服滯啼者乳食停滯作痛啼而不哭直聲來往無淚者是也用生麥芽山查各一錢煎湯服驚啼者心氣不足神不安穩哭而不啼連聲多淚宜從驚治服天王補心丹外以伏龍肝蚯蚓泥等分爲末水調塗兒頭頂心口及手足心

胎黃末兒生下遍體金黃此胎中濕熱也用生地花粉茵

陳各一錢煎服

胎赤兒生月內遍生紅赤肌若丹塗此胎中熱毒也服

前方去茵陳加甘草連翹各一錢外用藍葉浮萍水苔

搗爛絞汁調朴硝上砂塗之

胎驚 月內壯熱翻眼握拳搐掣驚啼此胎驚也因妊婦
調攝乖常有傷於胎故生下卽病急取猪乳細研辰砂
半黃少許調抹口中神效或煎服導赤散乳母服防風
通聖散簡易方以新汲水辰砂研濃汁塗五心最效

吐乳 小兒嘔吐長久不已遂成慢驚不可不慎若吐自
口角出卽是乳哺太過乃滿而溢出非病也只須節乳
若直出而不停畱者謂之覘乳用炒麥芽三錢橘紅一
錢丁香三分煎服可止乳母服調氣之藥

變蒸 變者易也生五臟蒸者熱也養六腑輕則發熱似
驚重則壯熱煩躁三十二日一變六十四日一蒸至五

百七十六日變蒸既畢兒乃成人也古無其說創於西
晉繼於隋唐繁於今日但余常見有保護得宜至長無
病豈此子獨不變蒸乎或上月有變蒸此月不病豈一
孩有先後不同乎總之小兒或發熱或吐泄凡屬違和
不由外感必因內傷不過調養失宜之故但宜謹於平
時不可惑於變蒸之說而忘致病之由也

疳症聖小兒諸疳最爲重候顧疳字从甘明其貪嗜肥甘
損傷脾胃也蓋中土一虛百病蜂起故疳症名目有二
十餘而治法總在脾胃楊氏曰疳者乾也在小兒爲五
疳疳在夫人爲勞夫曰乾曰勞非精血敗竭之病乎疳變

既多方難主一貴在臨診酌宜也

程鳳雛曰小兒肥甘無節積鬱既久則熱生焉熱蒸既久則蟲生焉有熱有蟲而疳成矣當其有積時用藥消導則熱退而蟲不生及其將成仍用莪朮三稜枳榔厚朴消其積川連胡黃連清其熱使君子蕪荑川棟蘆薈殺其蟲不可驟用補劑如參朮訶子蔻仁等適足增其鬱熱五疳諸症不必瑣爲分晰虛實冷熱蟲積總不出集聖丸加減治熱不可過涼治冷不可過溫尤不可妄施汗下疳者甘也一切甘甜美食俱宜忌之但以固脾胃爲主蓋脾家病去則諸臟皆安矣

慈幼
筏

集聖丸 治冷熱新久一切疴症以此為主其有五臟兼

症照後開加減不必多求方法 準此方不熱不寒補

不致滯消不致耗至穩至妥

蘆薈 酒蒸 五靈脂 洗去泥 夜明砂 炒 廣皮 酒炒 青皮 醋炒 蓬莪

朮 煨 使君子肉 煨 木香 川芎 當歸 砂仁 酒炒各

潞黨參 川連 姜汁炒 乾蟾蜍 酥炙各 右為細末公猪胆

貳枚取汁和藥粟米糊丸龍眼大米飲化服 咬牙舒舌

舌上生瘡愛飲冷水唇紅面白喜伏地臥此心疴也本

方去莪朮砂仁青皮廣皮川芎木香六味加生地茯苓

胆星 各貳錢 辰砂甘草 各壹錢 面青目生白膜泄瀉夾水

或青色此肝疔也本方去莪朮砂仁廣皮木香加胆星

甘草梔子仁防風天麻蟬蛻

各貳錢

青黛

半錢

食泥土冷

物面身俱黃髮稀作穗頭大項小腹脹腳弱泄瀉肌瘦

晝涼夜熱不思飲食此脾疔也專用本方 鼻下赤爛

手足枯細口中腥臭右腮晃白喘嗽此肺疔也本方去

莪朮砂仁青皮川芎木香加桑皮桔梗蘇葉阿膠炙甘

草

各貳錢

耳內外生瘡腳如鶴膝頭縫不合或齒鼻爛

變成走馬牙疔此腎疔也本方去莪朮砂仁青皮廣皮

木香五靈脂加熟地茯苓山藥萸肉

各貳錢

久瀉不止

胃虛成疔本方去蘆薈五靈脂加茯苓冬朮肉果訶子

各貳錢

錢 黨參倍用 久痢不止脾虛成疳本方去莪朮蘆薈

青皮五靈脂加訶子蓮肉 各叁錢 瘡久未已脾虛成疳

本方去蘆薈五靈脂加黃芪鼈甲柴胡製半夏神麩 各叁錢

錢 黨參倍用 食積成疳形瘦腹緊潮熱見生人則哭

本方去蘆薈五靈脂加黃芪茯苓冬朮製厚朴製半夏

枳實神麩麥芽三稜鼈甲 各貳錢 腦疳皮毛光潔滿頭

瘡餅腦熱如火髮穗頤高眼痛腮腫多汗其病在肝本

方去莪朮砂仁青皮廣皮加羌活防風胆星甘草升麻

各貳錢 脊疔發熱黃瘦煩渴下痢拍背如鼓鳴脊背如

鋸齒十指皆瘡頻嚙指甲本方去莪朮砂仁青皮廣皮

當歸川芎加苦楝皮貫衆蕪黃檳榔各貳錢蛔疳縵眉

多哭嘔吐青沫腹痛結塊摸之硬起滿肚青筋唇口紫

黑腸鳴齒癢同上丁奚疳手足極細項小骨高尻削

作瘦腹大臍突號叫胸陷用本方 哺露疳寒熱往來

頭骨分開翻食吐蟲煩躁嘔噦用本方 無辜疳身熱

黃瘦腦後項邊有核如彈丸動而不痛中有蟲如米粉

宜刺破其核以膏藥貼之本方去莪朮砂仁五靈脂加

黃芪鼈甲檳榔各貳錢

吃泥 吃炭 乃脾家濕熱也宜服神機散方見後用開水

調下

吃生米 吃茶葉 乃胃腑熱也宜蒼朮用米泔浸一日

炒山梔炒等分爲末餛餅爲丸梧子大米飲下五十丸

一日三服

溺色 小兒小便如米泔或溺停少頃變作泔濁者此飲

食不節以致脾胃濕熱或脾虛下陷而然疳之兆也當

預防之急服神機丹若小便色黃因火者十居一二因

陰亡而氣不化者十居七八急當滋其化源服交泰丹

糞色 小兒糞色當與大人相同色深黃蒼老而細膩者

是全陽正色胃強無病者也若嫩黃不蒼渣滓不能全

細則胃中火力便有不到之處若再淡黃則近白矣是

穀食之半化也是火力之半衰也若至色青色白則虛寒極矣元陽憊矣生氣微矣一見嫩黃急以神機丹救之

藥餌宜慎

小兒之起居飲食當謹慎調攝前已言之至於用藥治病猶須明見的確照顧本元看清病症然後施治不可以急散風消食清痰降火行滯利水滿江一兜爲周到而穩當也夫有是病而後用是藥則病當之無是病而用是藥則元氣受燥矣

小兒急慢驚風

小兒急驚屬肝木風痰有餘之症宜平肝鎮心驅風消痰
 降火清內熱慢驚屬脾土不足因吐瀉久虛或大病後
 元氣不足宜補中兼疎利俗以一藥通治三症悞矣

急驚神方

陳胆星

肆錢伍分

全蝎

貳錢

荆芥穗

防風

去蘆

僵蚕

炒

天竺黃

各叁錢

琥珀

另研

犀黃

另研

蟬退

伍分

木香

各壹錢伍分

辰砂

天葵草伏過壹

錢陸分

右為末山藥粉打糊丸龍眼大辰砂為衣每

服一丸姜湯化下極效

江筆花曰俗所稱慢驚風者脾虛生風也小兒或吐或瀉
 久則脾虛肝木乘之面色青白手足微搐是內風侮土

非外風也陽衰神怠氣息短促是中氣脫之非驚嚇也
宜補其脾回其陽則土振而木靜矣此症不補必死而
謬以驚風名之可乎

莊在田曰慢驚之症小兒吐瀉得之居多或久瘧久痢痘
後疹後或因寒食積滯過於攻伐傷脾或稟賦本虛悞
用涼藥或因急驚用藥攻降太甚或失於調理虛極生
風皆可致此其症神昏氣喘或大熱不退眼開驚搐或
乍寒乍熱三陽晦暗面色淡白青黃二便清白或唇雖
開裂出血而口中氣冷或瀉利冷汗四肢冰冷腹中時
響喉內痰鳴角弓反張目光昏暗鼻孔煽動昏睡露睛

頤門下陷汗出如洗此虛症亦危症也俗謂之天吊風
慢脾風若再用寒涼消導或胆星抱龍以消痰天麻全
蝎以祛風芩連知柏以清火巴豆大黃以去積殺人如
反掌此時治風而風無可治治驚而驚亦無可治實因
脾腎虛寒孤陽外越元氣無根陰寒至極風之所由動
也治宜先以辛熱再加溫補蓋補土所以敵木治本卽
以治標凡小兒吐瀉屢作不拘何因皆當急用參朮以
救胃氣蓋其先雖有實邪一經吐瀉業已全除脾胃空
虛若不急治虛痰上湧命在頃刻庸醫悞指爲食投以
去積之藥立時告變今特列經驗四方以爲慢驚主治

之法用者宜參以活變相機調治

逐寒蕩驚湯

莊氏

凡因風熱不退及吐瀉而成者總屬陰

虛陽越必成慢驚非感風寒可比故不宜發散治當培

元固本引火歸元先用辛熱沖開寒痰再進溫補

伏龍肝

兩

丁香

拾粒

炮姜

胡椒

肉桂

去皮各壹錢

研勻水

煎一小杯灌下

一劑吐瀉立止接服後方

理中地黃湯

莊氏

此救陰固本之要藥補造化陰陽所不

足起死回生倘大虛之後須大劑多服為妙

熟地

伍錢

白朮

伍錢

當歸

三四劑後泄不止者去之

枸杞

各叁錢

萸肉

錢半

姜

錢半

炙芪

伍錢

黨參

棗仁

炒研

補骨脂

各貳錢

炙草

伍錢

肉桂

各壹錢胡桃肉壹個生薑叁片紅棗叁枚用灶心土煮湯煎藥取濃

汁大半杯加附子叁分煎湯攪八量兒大小分數次灌之咳嗽

加櫻栗殼金櫻子大熱不退加白芍泄瀉加丁香各一

錢只服一劑去附子用丁香七粒隔二三日再用附

子一二分用附太多則小便閉塞不通不用則沉寒不

開不用丁香則泄瀉不止若吐瀉不止微見驚搐胃

中尚可受藥吃乳便利者不必服蕩驚湯只服此方一

劑風定神清矣如尙未戒驚不過昏睡發熱不退或

時熱時止或日安夜熱或午後發熱總屬陽虛均宜服

附子理中湯 治慢驚亡陽症

黨參貳錢冬朮炒參錢炮姜熟附子炙草各伍分姜片參棗

貳枚水煎溫服服後若知渴汗止或二便閉去附子加熟

地張景岳曰附子溫中回陽慢驚之聖藥徐蘊山

口慢驚有亡陰亡陽之別如遇久瀉漸至汗吐亡陰症

也理中地黃湯主之若由久汗漸至吐瀉亡陽症也宜

用附子理中湯二法相輔而行庶無偏弊

溫中補脾湯聶氏治吐瀉亡陽成慢脾者

白朮炒壹錢貳分黨參密炙各捌分黃芪密炙各捌分製半夏柒分白茯苓

丁香製各伍分乾姜炒砂仁製各伍分官桂由陳皮由炙草由白芍

酒炒各肆分 生姜壹片紅棗壹枚去核 水煎溫服虛寒甚者加熟附

子五分兒小者分數次服必得肢體溫
和風除神爽方可止服
聶久吾曰慢驚之候由脾土虛極中氣不足
故寒痰壅盛而風動筋急此陰症也急用此湯溫補脾
胃風痰自退

善鑑堂小兒四丹說

小兒知識未開七情未動其所病者非寒溫之失當而外
感六淫卽飲食之失宜而內傷脾胃余故制乾清散以
治外感坤靜散以治內傷王道平正萬舉萬當至若無
病之兒焉能常保安和理宜預爲調攝使之息息生長
而諸病不生者一在培後天之基址一在滋先天之七

元余故又制交泰神機二方爲平時之調養補而能通
瀉而寓益若間服弗輟不特永無病患且能聰明超舉
才力過人幸毋視爲平淡而忽之也

乾清散 治小兒感冒風邪發熱咳嗽鼻塞涕流等症

荆芥穗

薄荷葉

黃芩

酒炒

黑山梔

桔梗

甘草

爲極細末重羅篩過每服每歲一錢開水調下

坤靜散 治小兒恣食肥膩過啖生冷腹堅脹痛等症

烏藥

製厚朴

麥芽麴

山楂肉

廣木香

蓬莖

朮 京三稜

爲極細末重羅篩過每服每歲一錢姜湯調下

交泰丹

生地黄貳兩丹皮酒洗柒錢五分山萸肉酒潤壹兩淮山藥壹兩遠志肉

夫心甘草湯酒浸柒錢五分石菖蒲一寸九節者去毛忌鐵微炒柒錢五分

龍骨酒浸一宿煨赤研極細伍錢炙龜板伍錢雲茯苓伍分為極細

末凡內小兒每服一分逐月遞增至期歲滿十錢二歲

滿一錢五分三歲滿二錢七歲滿三錢九歲滿四錢開

水調下與神機丹間服

神機丹

蘇黃芪蜜炙貳兩土炒於朮參兩白茯苓壹兩扁豆肉炒一兩建蓮

肉去心炒壹兩山查肉壹兩炙甘草陸錢九節菖蒲製如前方壹兩陸錢薏

苡仁炒壹兩

新會皮

陸錢

為極細末服如前方遞增開水調

下

魛病

小兒三歲以內胃氣未全穀氣未充專賴乳汁若未斷乳時乳母先有身孕兒食孕乳肉消顛大髮萎腿枯形如傀儡狀若早魛故名魛病又有母體虛弱乳汁不充早強粥飯津液內亡外資漿水生冷瓜果任其過啖漸成此症孔子曰子生三年然後免於父母之懷乳其可容早缺乎操璋互之權者急宜留心治法先令斷乳隨製交泰神機二丹相間服之以轉生機余已救活數嬰真

神妙也

早斷乳法

以梔子三枚炒存性雌黃辰砂輕粉各少許為末蒜油調

勻兒濃睡時塗兒兩眉上醒來自然不喫未效再塗凡

斷乳忌逢五七日宜卯日及伏斷日

肝氣盛者難驗

又方

山梔

辰砂

雄黃

雌黃

麝香

各貳分

輕粉

錢壹

其為未照前法調塗名畫眉膏

稀痘

痘曰天瘡以其毒自先天所種非緣後起也稀之法雖蘊

其方然與其欲稀於其形成象之後孰若清心淡慮先

稀於二五妙合之前乎

元兔丹

元參酒洗 兔絲子

小淘淨酒煮研爛曬乾各伍兩

為末不犯鐵器黑砂糖

丸彈子大每日令見服三丸沙糖湯下

稀痘方

羌活

生地

黃柏酒浸 防風

升麻

各伍分

麻黃

甘草

歸身

各叁分

川芎

藁本

柴胡

乾葛

黃芩

酒浸

紅花

細辛

丹皮

白朮

各貳分

吳茱萸

連翹

各五分

右藥逐味秤准逢立春立夏立秋立冬日用水二鍾煎

八分一碗將細紗一方覆碗口露一夜次朝溫服一年

內服四次不可缺永不出痘卽出亦稀蓋四立日係天地陰陽氣候變易之時人在氣交中氣血亦隨之轉動乘其闔闢之候驅其胎毒耳春秋減麻黃一分夏減麻黃分半增連翹三分冬照原方

六味飲 將發時服

山查 紫草 牛蒡子 各壹錢 防風 荆芥 各一錢 甘草 貳分

化水煎服

夏月稀痘法 嬰兒無論男女用肥大光潔川練子一歲

至三歲七個搗碎 忌鐵器 水三碗新砂鍋煎濃傾入盆內

避風處將新白布蘸水自頭至足遍身洗擦不留餘空

拭乾避風一刻四五歲用川練子九個水五碗六七歲
用十五個水七碗八歲至十歲用二十個水九碗十一
歲至十五歲用三十個水十五碗照前煎洗洗浴日期
須擇七個除日洗七次於五月至八月止天熱尤便也

秋月稀痘法 取絲瓜不老不嫩纔不可食者懸簷下陰
乾只取近蒂三寸許瓦上炙存性爲末每一錢配飛辰
砂三分每服五分黑砂糖調服 初生時一服三歲內
二服兒愈大愈須多服

冬月稀痘法 大寒前擇成日將青菓一枚劈碎同甘草
一寸劈四升用雨水一碗煎至一酒盃須一頓服完間

日一服至五次後有黑糞遺出服至七次而止須在立
春前服完

附 格言

昔有客與文忠公論世間萬物皆有影惟人心無影文忠
公曰子孫卽其心之影子孫賢善之影子孫不賢惡之
影也書曰以義制事以禮制心垂裕後昆詩曰燕及皇
天克昌厥後天道福善禍淫理無作惡之家而反能永
保子孫之昌熾者但心惡繁隱難以名言倘能時時省
察不各改過以復我生性善之良則惡日消而善日積
必有餘慶以獲桂子蘭孫之報也

髫齡培植

髫齡之年如甘未受和未受采此時教以禮讓喻以尊卑聞善言見善行能終身不忘故耄耆之人其中年之記誦杳不可憶而幼時句讀歷歷能舉良以蒙養之時嗜欲未紛目之所先見耳之所先聞習與性成久而不遷也願世之教子弟者誦讀小學經書之外卽宜以先聖先賢之嘉言懿行爲之講說庶所見所聞無非正道且氣常存則將來之福祿不小可知矣

新增種痘說

天花之發由於先天之胎毒胎無火不成有火所有毒故

父母能守胎教而寡慾者痘必稀欲保養其子必以寡慾爲主而痘之以時發也乘乎外感毒蘊於中而感冒於外以次傳染必透發毒盡而後安痊近時天花四處徧傳往往以火毒盛而天折者甚多醫家偏執用藥雖有割股之心卒致噬臍之歎深可憫也惟種痘一書相傳旣久旣可擇時又可審兒之虛實寒熱而先治之於以下苗種痘縱胎毒盛者亦可保全其輕者百無一失真保赤之良方也願世之養子者於小兒半歲以後或一二歲時卽謹選良醫種之若兒年漸長其火亦漸盛切勿因循貽誤於後舊時北地傳來種痘方於小兒初生十八朝內用藥與本兒

臍帶灸灰服後四五日卽發雖發小點似痘而後日天花
仍出每多難治在刻是方者亦出仁心而誤人不淺斷不
可用慎之慎之或者曰生死由天倘遇見命中犯天折者
縱過此痘關其能保無他病而不傷乎是說也余不暇辨

上海果存子翼雲江駕鵬撰